

17 ¶ Ordo Seruorum Beatae Mariae confirmatus fuit & inter Mendicantes connumeratus ab Alexandro. 4. anno salutis circiter millesimo ducentesimo quinquagesimo quinto, vt refert Pater Emanuel Tom. 1. qq. regul. art. 6. Et q. 55. art. 3. dicit Pium. 5. in constitutione iam citata inter Ordines Mendicantes, Ordinem Seruorum Beatae Mariae constituisse: & similiter sicut Ordinem Minimorum ea constitutione declarasse esse Mendicantem, & omnia Mendicantibus concessa priuilegia & indulta Minimorum Religioni communicasse. Atq; ita id ipsum credendum esse Ordini Seruorum Beatae Mariae concessisse, cum eam inter Mendicantes connumerauerit.

DE ORDINE SEV CONGREGATIONE Sancti Hieronymi Iesuatorum & eorum communicatione cum ceteris Mendicantibus.

8 ¶ Urbanus. 5. Summus Pontifex anno Domini millesimo trecentesimo sexagesimo septimo, hunc Ordinem confirmauit. Dicuntur autem huius Religionis professores Iesuite ob frequentiam quam huius nominis Sacratissimi Iesu in ore gerebant: & dicuntur Diuini